

Na osnovu člana 5. Pravilnika o utvrđivanju uslova, kriterija i postupaka za ostvarivanje prava na dodjelu sadnica malina sa sistemom za navodnjavanje u Projektu „Ekonomsko osnaživanje domaćinstava kroz proizvodnju maline“ – Goražde 2016, i na osnovu Sporazuma zaključenog između Općine Goražde i Humanitarne organizacije Muslim Aid Bosna i Hercegovina, Područni ured (MAID)“, broj: 345/16, od 04.10.2016.godine, kojim su osigurana donatorska sredstva (od strane Humanitarne organizacije “MAID” 40 %, Općine Goražde 40 % i vlastitog učešća korisnika 20 %) u cilju razvoja jagodičaste proizvodnje na području Općine Goražde, Općinski načelnik raspisuje:

## **JAVNI POZIV**

### **za predaju zahtjeva za dodjelu sadnica malina sa sistemom za navodnjavanje u površini od 0,1ha putem sufinansiranja**

#### **I PRAVO UČEŠĆA**

Pravo na učešće u Projektu imaju sva zainteresovana lica sa područja Općine Goražde koja posjeduju vlastito poljoprivredno zemljište ili zemljište pod zakupom na period od ne manji od 10 godina, površine 0,1ha.

Pravo na dodjelu sadnica malina i sistema za navodnjavanje **ne mogu** ostvariti lica koja su u posljednjih 5 godina ostvarila pravo na donaciju, dodjelu, ili sufinansiranje nabavke sadnica malina od Općine, ministarstava, humanitarnih i drugih organizacija.

#### **II USLOVI ZA DODJELU SADNICA MALINA SA SISTEMOM ZA NAVODNJAVANJE**

Podnosilac zahtjeva treba da ispunjava slijedeće uslove:

1. Da je podnosilac zahtjeva sa područja Općine Goražde,
2. Da je upisan u Registar poljoprivrednih gazdinstava i klijenata u Općini Goražde i da je izvršio ažuriranje podataka za 2016.godinu ili dostavio ovjerenu izjavu da će se upisati u Registar poljoprivrednih gazdinstava i klijenata prije dodjele sadnica sa opremom,
3. Da je podnosilac zahtjeva ili član uže porodice vlasnik ili posjednik poljoprivrednog zemljišta pogodnog za podizanje zasada maline,
4. Da ima mogućnost navodnjavanja zasada maline,
5. **Da će korisnik Projekta sufinansirati 20% iznosa za podizanja zasada maline, sa pratećom opremom ( 324,00 KM ),**
6. Da obavezno prisustvuje edukaciji iz oblasti tehnologija proizvodnje maline u trajanju od dva dana.

Služba za finansije, trezor i privredu, Općine Goražde je nosilac aktivnosti vezanih za realizaciju Projekta.

### **III KRITERIJI ZA DODJELU SADNICA MALINA SA SISTEMOM ZA NAVODNJAVANJE**

Kriteriji za bodovanje podnosioca zahtjeva:

- a) pogodnost vlastitog zemljišta za podizanje zasada maline i mogućnost navodnjavanja (utvrđuje Komisija za dodjelu na licu mjesta),
- b) dodatni bodovi po osnovu pripadnosti jednoj od dole navedenih kategorija:
  - podnosilac zahtjeva nezaposlen (vrijeme provedeno na birou za zapošljavanje),
    - za svakog punoljetnog nezaposlenog člana porodice,
    - za svakog izdržavanog člana porodice,
  - borački status podnosioca zahtjeva (demobilisani borac- vrijeme provedeno u OSBiH),
  - podnosilac zahtjeva, član porodice šehida i poginulih boraca,
  - podnosilac zahtjeva ima priznat status RVI,
  - podnosilac zahtjeva, samohrani roditelj,
  - mladi bračni par životne starosti do 35 godina,
  - socijalni aspekt,
  - registracija poljoprivredne djelatnosti
- c) dodatni bodovi po osnovu mjesečnih novčanih primanja podnosioca zahtjeva i članova domaćinstva

Kada kandidati pri bodovanju imaju isti broj bodova, prednost će imati kandidati koji imaju višečlanu porodicu i veći broj nezaposlenih u porodici.

## **IV POTREBNA DOKUMENTACIJA**

Potrebna dokumentacija za prijavu na Javni poziv:

1. zahtjev za prijavu na Javni poziv,
2. potvrda o upisu u Registar poljoprivrednih gazdinstava i klijenata od općinske službe prema mjestu prebivališta (fizička lica) izdate u 2016.godini ili ovjerena izjava da će se upisati u Registar poljoprivrednih gazdinstava i klijenata prije dodjele sadnica maline sa sistemom za navodnjavanje,
3. ovjerena kućna lista,
4. dokaz o nezaposlenosti svih punoljetnih članova porodice izdat od strane biroa za zapošljavanje,
5. vlasništvo ili posjed nad parcelom ili ugovor o zakupu na period ne manji od 10 godina (kopija ZK izvadka ili Posjedovnog lista),
6. ovjerena izjava da ne posjeduje zasad maline veći od 0,1ha površine u svom vlasništvu,
7. ovjerena izjava da će korisnik podsticaja dobijeni paket malina zadržati u vlasništvu najmanje 5 godine od potpisivanja Ugovora,
8. ovjerena izjava da podnositelj zahtjeva u posljednjih 5 godina nije ostvarivao pravo na donaciju, dodjelu ili sufinansiranje nabavke sadnica malina sa sistemom za navodnjavanje od Općine, ministarstava, humanitarnih i drugih organizacija,
9. ovjerena izjava da će sufinansirati 20% iznosa od nabavne cijene sadnica maline sa pratećom opremom ( 324,00 KM ),
10. dokaz da je podnositelj zahtjeva demobilisani borac,
11. dokaz da je član porodice šehida i poginulih boraca, RVI (Uvjerenje Službe za boračko-invalidsku i socijalnu zaštitu, Općine Goražde),
12. dokaz da je mladi bračni par životne starosti do 35 godina (ovjerena kućna lista),
13. dokaz da je samohrani roditelj (ovjerena kućna lista),
14. ovjerena izjava da će obavezno prisustvovati edukaciji iz oblasti tehnologija uzgoja maline u trajanju od dva dana,
15. potvrda o visini primanja u porodici (plate, penzije i sl.).

**Svi dokumenti moraju biti originalni ili ovjerene kopije.**

Potrebne izjave za uslove pod rednim brojevima 6., 7., 8., 9., mogu se podnijeti na zajedničkom obrascu "IZJAVA", koja se može preuzeti u šalter sali Općine Goražde.

## **V PROCEDURA ODABIRA KORISNIKA**

Općinski načelnik imenuje Komisiju za odabir krajnjih korisnika za dodjelu sadnica malina sa pratećom opremom putem sufinansiranja u saradnji sa humanitarnom organizacijom (u daljem tekstu: Komisija).

Zadatak Komisije je:

- pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje, te istu dostavlja Općinskom načelniku.

Odluku o dodjeli sadnica malina donosi Općinski načelnik na prijedlog Komisije.

NAPOMENA:

- Kandidati koji ostvare pravo na dodjelu sadnica malina sa sistemom za navodnjavanje obavezni su prisustvovati edukaciji u trajanju od dva dana.

## **VI NAČIN PODNOŠENJA PRIJAVE NA JAVNI POZIV**

Prijave na Javni poziv sa pratećom dokumentacijom, u zatvorenoj koverti, potrebno je dostaviti na pisarnicu Općine Goražde ili poslati preporučenom poštom na adresu:

**OPĆINA GORAŽDE**  
**/za Komisiju za dodjelu sadnica maline/**  
**Ulica Maršala Tita br.2,**  
**73000 Goražde**

sa obaveznom naznakom: «**Ne otvarati - Zahtjev za dodjelu sadnica malina sa sistemom za navodnjavanje u površini od 0,1ha putem sufinansiranja**».

Javni poziv je otvoren 15 dana od dana objavljivanja.

Nepotpune i neblagovremene prijave neće se uzeti u razmatranje.

Sve dodatne informacije o načinu i postupku učešća u Javnom pozivu mogu se dobiti u Službi za finansije, trezor i privredu, ili putem telefona: 038/ 221-002, lokal 256 ili u kancelariji broj 58. Obrazac zahtjeva zainteresovani mogu dobiti u Šalter sali Općine Goražde.

**NAČELNIK OPĆINE**

**dr. sci. Muhamed Ramović**

Dostavljeno:

1. Mjesne zajednice,
2. Oglasna tabla Općine Goražde,
3. Web stranica Općine Goražde,
4. a/a